

經律異相

才三十三

四百四十三

傍三

5-1119



Large, stylized, bold Chinese characters, likely a library or collection stamp, possibly reading '中央圖書館藏' (Central Library Collection).

Vertical text within the decorative border, including characters like '山西' (Shanxi) and '太原' (Taiyuan).

Small vertical seal impression with characters, likely '山西圖書館藏' (Shanxi Library Collection).

Small characters at the bottom of the page, possibly a date or signature.

經律異相卷第三十三

傍

梁沙門僧旻寶唱等集



學聲聞道諸國太子部下

均隣儒悟世無常得羅漢道一

帝須出家得羅漢道二

祇陀捨五戒行十善請佛聞法得初道果三

鳩那羅太子失肉眼得慧眼四

諸太子問佛幾等有出家者佛出所



更皆悉悟道五

最勝王子植德堅固終不可移六

均隣儒悟世無常得羅漢道一

有國王号曰梵摩難供養佛僧每至齋日王

輒導從往到佛所佛每說法王輒歡喜恭敬
聽經太子名均隣儒至心精進覺世非常無
生不死不貪時榮而白王言佛世難值經法
難聞乞作沙門王即聽之均隣儒便辭王到
佛所乞爲比丘佛便以手摩其頭頭髮自墮
袈裟著身奉持重戒精進勤修晝夜不倦經

三月日便得羅漢王時不知其已得道見其
勤苦飯食麁蔬每往供養異於衆僧其心不
同輒謂之言我國中珍琦七寶飲食甘餽無
所不有汝何故樂爲沙門乎均隣儒即自輕
舉上住空中飛行變化分身散體出入無間
王見其介悲喜交集五體投地爲均隣儒作

禮佛令均隣儒為王說苦空非常四諦之要

王即意解得須陀洹道

出梵摩難國王經

帝須出家得羅漢道二

阿育王始登位立弟帝須

阿育王經六毗多
翰柯七耀經云善

容為太子而語之言汝可於佛法生信善容

弟後遊獵入於林中見一仙人五熱炙身

起深信頭面禮足問曰住此幾時何所衣食

若為安卧而起貪欲答曰經十二年常食樹

木葉根結蔓為服鋪草而卧見鹿行姪起我

欲想帝須疑此苦行尚起欲心佛諸弟子安

語樂行見欲能不起心既起欲心何得厭離

即說偈言

仙人唐自苦

服氣除穢食

空食根葉果

愛欲不能盡

釋迦牟尼子

衣食足溫甘

不捨人所資

頻頭山浮起

帝須復言釋迦弟子誑王今作功德王聞告
大臣云我弟於外道生信當以方便令得正
解我欲澡洗應入浴室卿可以天冠服飾莊

嚴我弟今登我座及王浴時大臣勸帝須帝
須從之王見語言我今未滅汝已誑王乃命
殺之多人執仗而圍遶之大臣白王此是王
弟願王忍辱莫起瞋心荅曰我當忍辱於七
日中暫與其國令其作王種種伎樂及諸采
女以供給之一切臣民皆往問訊行殺之人

執刀門立日日啓至至第七日以王莊嚴阿育王大臣諸人將毗多輸柯共往問訊阿育大臣時王問言汝七日爲王種種伎樂好聞見不以偈答曰

我於七日中

不見不聞聲

不嗅嘗美味

亦不覺諸觸

我身莊嚴具

及諸采女等

思惟懼死故

不暇及此事

伎女歌舞聲

宮殿及卧具

大地諸珍寶

初無歡喜心

以見行殺者

執刀在門立

又聞搖鈴聲

令我懷死畏

死櫬釘我心

不知妙五欲

既著畏死病

不得安隱眠

思惟死將至

不覺夜已過

主復語弟汝於一坐中思惟死苦雖得上妙
五欲而不生愛出家比丘於十二入思惟無
量生死及三惡道苦又思惟人中天上四方
馳求終歸壞敗譬如空村無有居民以無常
火燒諸世間佛諸弟子常作此觀云何而得
起煩惱耶王以方便佛法教化毗多輸柯言我
於今者歸佛法僧王以兩手抱其弟頸而語
之言我不捨汝為欲令汝信佛法是故現此
方便時毗多輸柯以種種華香及諸伎樂供
養佛塔以種種飲食供養眾僧出阿育王經以他
日更出遊獵至阿練若處見一比丘坐名曇
無德有一象折取木枝遙拂比丘帝須心喜

又作願言我何時得如彼比丘曇無德阿育王經

云耶舍言亦小異比丘自逆知帝須心願即以神力

飛騰虛空令帝須見往阿育僧伽藍坐立池

水上脫衣置虛空中入池洗浴帝須見云我

當出家還宮白王言願必哀念聽我出家王

言伎樂百味何以出家王種種方便令其心

止志意堅固永不肯從而答王言歡樂暫有

會當別離大王歎言善哉出善見毗婆沙第二卷當先

習乞食然後出家時王後園有一大樹以草

布地使住其下與一瓦鉢令入宮乞食毗多

輸柯即便持鉢行入宮內種種上食而便與

之王語宮人云何乃與乞者上食從今當以

麁食施之乃至麥飯時毗多輸柯得而食之
不以爲惡王語之言勿食此食聽汝出家出家
之後恒來見我即辦衣鉢千乘万騎送至鷄寺
思此人動不得修道便往毗提國曇無德比
丘所出家國中豪貴諸長者子凡一千人亦
隨出家一切民疑共相謂言尚捨王位我等
何爲無數人衆皆悉出家王外甥阿喲婆羅
門一男出家佛法第四諸侯百官奴婢僕使悉持
五戒月持六齋滿一支法由是多有刹利出
家佛法興隆外道衰殄都失供養乞食不得
託入佛法而作沙門猶執本法教化人民諸
善比丘不與同事時目連子帝須捨弟子付

摩哂陀隱靜阿休何山諸外道比丘欲以其
典雜亂佛法遂成垢濁或事火者或五熱炙
身或大寒入水或破壞佛法如是展轉乃至七
年不得說戒阿育遣一大臣入王僧伽藍白
上座言王令衆僧和合說戒上座荅言諸善
比丘不與外道比丘同共布薩大臣從次斬
殺及至帝須大臣問曰汝是誰耶荅曰是王
同生弟也於是乃止臣即啓王王聞驚愕心
生懊惱即到寺中問諸比丘誰得罪耶一比
丘言兩俱得罪一比丘言無殺心王自無罪
王心生疑問諸比丘有能斷我疑者若斷疑
心當更豎立佛法諸比丘言帝須能斷遣信

迎帝須使傳王意曰今佛法已沒即屈大德
來共豎立帝須荅曰我出家正爲佛法今時
至矣王夜夢有一白象以鼻摩王頭捉王右
手明旦問相師相師荅曰捉王手者是沙門
像也便聞信云帝須今至王出迎接帝須捉
王手左右拔劍而欲害之王見水中劍影曰
昔勅汝住寺令衆僧和合說戒僻取我意殺
諸比丘今復欲殺我耶王將帝須入園手爲
洗脚以油磨之請言欲見大德神力帝須周
迴四方各一由旬彈繩作界東方安車南方
安馬西方安人北方安銅盤水使各騎界上
界外震動外脚皆搖內脚不動王喜曰先疑

改也於佛法中惡法得滅帝須為說本生經

云佛告諸比丘先籌量心然後作業一切業

皆由心也出毗婆沙第二卷後得阿羅漢道受解脫

樂憶昔王約出家之後恒來見王我於今者

應滿本約乃至次第行波吒利弗多國早起

著衣持鉢入國乞食次第行至王城語門人

汝入白王云毗多輸柯今在門外欲見大王

時守門人即白王王言將入即起作禮如大

樹倒起而合掌視之無厭悲泣而言

一切諸衆生當樂在和合汝今除和合

而味寂靜心我今知汝心以慧無厭足

大臣善護見毗多輸柯著糞掃衣執持瓦鉢

次第乞食。麁好俱受。心無分別。乃白王言。毗
多輸柯少欲知足所作已辦。時王捧之置好
座上。種種飲食自手與之。食竟洗鉢置之一
處。為王說法。

王今得自在
王應勤供養

當修不放逸

三寶甚難值

身昇虛空。人民皆見。王與大眾合掌觀之。目
不暫捨。問王言。

無復親友愛

如鳥飛虛空

我以貪染鎖

不能自在去

禪定有勝果

一切無罣礙

欲愛之所盲

不能見此法

汝今以神力

輕我起欲愛

我本有慧慢

今汝為最勝

我等著世法

見聖始知畏

今我等啼哭

由汝今捨我

毗多輸柯往至邊地至已得病以病重故頭
皆發瘡時王聞之即遣給事醫藥療治後得
小瘥醫師給事悉遣令還其體所資唯食牛
乳為乞食故往多牛處復有一國名分那婆

陀那

梁言增長

彼國皆信公道有佛弟子見以白

王王使夜叉於一念頃即將外道弟子并畫像

來生大瞋心於分那婆陀那國一切外道悉

皆殺之於一日中殺十萬八千外道復有一

外道弟子愛外道法事裸形神畫作如來禮

其神足時王復聞是事即勅餘人令取此人

及其親屬置一屋中以火焚之時王復勅若
有人能得一尼犍首者我當與一金錢毗多
輸柯入養牛處病來多日頭鬚髮爪悉皆長
利衣服弊惡無有光色時養牛女竊生是念
今此尼犍來入我舍便語其夫汝當殺此尼
犍取頭與王必得金賞夫拔刀往毗多輸柯
即自思惟見其業報無得脫處即便受死而
將頭至王所欲求覓金王疑即問其醫師及
給事人荅言此是毗多輸柯頭王悶絕良久
大臣白王無漏之人不滅此苦大王當施衆
生無畏王隨其言宣令一切不得殺尼犍諸
比丘生疑問優波笈多毗多輸柯昔造何業

今受此報。答言過去世時有一獵師多殺羣鹿於大林中有一泉水時此獵師張施羅網以其繩置於水邊多殺諸鹿是時佛未出世有一緣覺於水邊食食竟澡洗還樹下坐時彼羣鹿聞緣覺香不往水邊時獵師坐不見鹿來即尋其跡往辟支佛所念言坐是人故令鹿不來即便以刀殺辟支佛昔獵師者即是毗多輸柯以殺諸鹿今多病苦復以殺辟支佛於無數年常在地獄受諸苦惱於五百世在人道中生生之處常爲他殺今是最後果報雖得羅漢猶爲他害於迦葉佛法出家樂行布施常勸化人然養衆僧有一佛髮爪

塔以香華幡蓋種種伎樂而供養之以是業報生於大姓十萬年中常修梵行復發心願

以是業緣得阿羅漢

出阿育王經第三卷

祇陀太子捨五戒行十善請佛聞法得初道果三

祇陀太子白佛言昔受五戒酒戒難持畏脫得罪今欲捨五戒受十善法佛言汝飲酒時有何惡耶荅曰國中豪族雖時時相率賣持酒食共相娛樂以致歡樂自無餘惡得酒念戒不行惡也佛言若人能如汝者終身飲酒有何惡哉如是行者乃應生福無有罪也夫人行善凡有二種一者有漏二者無漏有漏

善者受人天樂無漏善者度生死苦涅槃果
報若人飲酒不起惡業善心因緣受善果報
汝持五戒有何失乎舍衛城中有諸豪族刹
利公王因小爭競遂至大怨各各結謀興兵
相伐兩家並是國中豪傑皆復親戚非可執
錄紛紜鬪戰不從理諫深為憂之復自念言

昔先王大臣名提韋羅恃其門宗富貴豪強
而見輕慢形調戲弄當時忿恚實欲誅滅以
事啓父父又不聽懷毒抱恨非可如何懊惱
愁悴不能飲食太后見我憂苦種種諫曉心
猶不息因覓好酒勸我令飲時啓母言先祖
相承事那羅延天今若飲酒恐天必怒諸婆

羅門當見謫罰母於夜靜時密開宮門不令人知逼迫再三俛仰從之既飲酒已忘去愁恨召集宮女作倡伎樂三七日中從是得息思惟是已即勅忠臣令辦好酒及諸甘饌召集諸羣臣集王殿上忠臣辦琉璃椀椀受三升王先傾一椀人辦一椀甘露妙藥後論國事兼作衆妓諸人得酒並聞音聲心中歡樂忘失仇恨沛然無憂王復持椀白諸君曰士夫修德歷世相承遵奉聖教不應差違諸君何爲因於小事忿諍如之若不忍者恐亡國嗣是故重諫幸自宜息諸臣白王敬奉重命不敢違也因是和平酒之功也

出未曾有
經下卷

鳩那羅失肉眼得慧眼四

阿育王夫人名鉢摩婆底

梁言芙蓉華

生一男兒

形色端正眼為第一人見無不愛樂內人白

王夫人生兒王大歡喜故名此兒為達磨

梁言

法婆陁那

梁言增長

即抱此兒示阿育王時王見

已歡喜說偈

我兒目端嚴

為功德所造

光明甚輝耀

如優波羅花

以此功德眼

莊嚴於一面

其面目端正

譬如秋滿月

鳩那羅長大為其納妃妃名干遮那

梁言金摩羅

梁言時阿育王將鳩那羅往至鷄寺寺有上

座六通羅漢名耶舍是時耶舍見鳩那羅未

經幾時應當失眠即白王言何故不令鳩那羅
作其自業時阿育王語鳩那羅大德令汝所
作汝當隨之時鳩那羅禮耶舍足說言大德
教我所作耶舍答言眼非是常汝當思惟即
說偈言

汝鳩那羅常思惟眼 無常病苦衆患所集

凡夫顛倒由之起過

時鳩那羅於宮中靜處獨坐思惟眼等諸入
爲苦無常時阿育王第一夫人名微妙落起
多往鳩那羅處見其獨坐觀其眼故而起欲
心以手抱之而說偈言

以大力愛火 今來燒我心 譬如火燒薪

汝當遂我意

鳩那羅掩耳說偈

今為我母此非法愛 應當捨離 關惡道門

母心瞋忿復說偈言

愛心往汝處 而汝無愛心 汝心既有惡

不久須臾滅

鳩那羅言

我今寧當死 不起不淨心 若生惡心者

失人天善法 善法既不全 依何而得生

微妙落起多恒伺其過而欲殺之於此有國

名德义尸羅違逆於王阿育王命鳩那羅汝

往彼國答王言尔王心念故倍加莊嚴嚴治

道路老病死等悉令不見時王與鳩那羅同
載一車送之近路將欲分別手抱兒頸見鳩
那羅眼啼泣而言

若有人見鳩那羅眼心歡喜故有病皆除

相師見王唯觀兒眼不緣餘事即說偈言

王子眼清淨王視心歡喜國土諸人民

見者如天樂若失此眼時一切當苦惱

乃至鳩那羅次第行至德义尸羅國彼國人
聞出半由旬嚴治諸道處處置水以待來衆
時諸人民即便說偈

德义尸羅人執寶鬘盛水及諸供養具

迎鳩那羅王

時王至已人民合掌而作是言我等迎王不
爲鬪諍亦不與彼大王相嫌但王所遣大臣
在我國者爲治無道願欲廢之是時人民以
諸供具供養鳩那羅王迎至國中時阿育王
身遇重病糞從口出諸不淨汁從毛孔出一
切良醫所不能愈王即語諸臣召鳩那羅還
我當灌頂授以王位我於今者不貪身命時
微妙落起多白王我能令王病得除愈王受
其語斷諸醫師微妙落起多語諸醫師外聞
男女病如王者可將其入時阿毗羅國有一
人病如王不異時病人婦爲覓醫師醫師答
言將來我欲見之當爲處藥婦送與醫師送

與王夫人時王夫人將此病者置無人處令
破其腹出生熟二截有一大_蟲若上行糞
從口出_蟲若下行便從下出若左右行從毛
孔出時王夫人磨摩黎遮以置_蟲邊而_蟲不
死復以葦菱以置_蟲邊_蟲亦不死復以乾薑
以置_蟲邊_蟲亦不死乃至以大蒜置於_蟲邊
蟲即便死時王夫人以如此事具以白王王
於今者應當食蒜病即除愈王荅言我是利
利不得食蒜夫人復言為身命故作藥意食
之王遂便食_蟲死病除便利如本王淨洗浴
語夫人言汝今者當何所求隨意與之夫人
白王願王七日聽我為王王語夫人若汝為

王必當殺我夫人又言過七日已我當還王
時王許之夫人假作王書與德义尸羅人令
取鳩那羅眼作書已竟須齒印印之王眠夫
人欲印書便近王邊王即驚覺夫人白王何
故驚王曰我夢鷲鳥欲取鳩那羅眼夫人荅
言鳩那羅子今甚安隱第二更夢王復驚起
我今更夢夫人問言夢復去何王荅言我見
鳩那羅頭鬚髮爪悉皆長利而不能言夫人
荅言其今安隱願勿憂之王復眠夫人以大
王齒竊印之遣使送與德义尸羅人王又夢
自齒悉皆墮落至明清旦澡洗已畢召相師
以夢告之相師荅言若人有此夢者兒當失

眼不異失見時王聞即便起立合掌向西方
神而呪願言

今一心歸佛 清淨法及僧 世間諸仙人

於世爲最勝 一切諸聖衆 皆護鳩那羅

使者執書至德叉尸羅國時彼人民見此書

至念鳩那羅故共隱此書而不與之彼諸人

民復更思惟阿育大王甚自可畏心不敬信

於其自見尚欲取眼況於我等而不起惡以

書與鳩那羅鳩那羅得書已語諸人言若能

取我眼者今隨汝意時人即喚旃陀羅汝當

挑取鳩那羅眼旃陀羅合掌說言我今不能

若人於滿月 能除其光明 是人當能除

汝面明月眼

是時鳩那羅即脫寶冠語旃陀羅言汝挑我眼我當與汝復有一人形自可憎十八種醜語鳩那羅言我能挑眼時鳩那羅尋憶大德耶舍所說便說偈言

念善知識是真實說思惟此義知眼無常

我善知識能饒益者是人已說眼苦因緣我常思念一切無常是師之教深自憶持我不畏苦見法不住當依王教汝取我眼語醜人言汝當取我一眼置我手中我欲觀之時此醜人欲取其眼無數諸人相與瞋罵而說偈言

眼清淨無垢
如拔池蓮華

如月在空中

汝今挑此眼

是無數人悲號啼哭是時醜人即出其眼置
鳩那羅手中時鳩那羅以手受之向眼說偈言
汝於本時能見諸色而於今者何故不見
本令見者生於愛心今觀不實但爲虛誑

譬如水沫空無有實汝無有力無有自在
若人見此則不受苦

思惟諸法悉皆無常得須陀洹果又語醜人
所餘一眼隨汝取之時彼醜人復更挑之置
鳩那羅手中既失肉眼而得慧眼復說偈言
我於今者捨此肉眼慧眼難得我今已得

王今捨我 我非王子 我今得法 爲法王子

從今自在 離苦宮殿 復登自在 法王宮殿

鳩那羅知取其眼是 微妙落起多而說偈言

願王夫人 長壽富樂 壽命常存 無有盡滅

由其方便 我得所作

鳩那羅婦聞夫失眠見便悶絕水灑乃醒啼

泣說偈

眼光明可愛 昔見生歡喜 今見其離身

心生大懊惱

鳩那羅語其婦言汝勿啼泣我自起業自受

此報復說偈言

一切世間 以業受身 衆苦爲身 汝應當知

一切和合無不別離當知此事不應啼泣
鳩那羅共其婦從德又尸羅國還阿育王所
二人生來未曾履地其身軟弱不堪作業鳩
那羅善於鼓琴復能歌吹隨其本路乞食濟
命漸漸遊行至於本國欲入宮門時守門人
不聽其前既不得前而復還出住車馬廄於
後夜中鼓琴而歌歌曰我眼已失四諦已見
復說偈言

若人有智慧

得見十二入

以此智慧燈

得解生死苦

若欲求勝樂

應當思念此

王聞歌聲心大歡喜即說偈言

今此說偈及聞鼓琴

似是我子鳩那羅聲

若是其至何不見我

王命一人聽聞似鳩那羅聲清妙哀好令我
心亂如象失子迴惶不安汝可往看是可將
來使人見無二眼皮膚曝露不復可識還白
大王是孤獨盲人共其婦俱住車馬廐時王
聞之煩惱思惟而說偈言

如昔所夢見

鳩那羅失眠

今此盲人者

鳩那羅不疑

汝可更至彼

但將此人來

以思惟子故

其心不安隱

使人受教更至其所語鳩那羅言汝是誰兒

何所名姓鳩那羅復以偈言

父名阿輸柯

增長姓孔雀

一切諸大地

悉爲其所領

我是彼王子

名爲鳩那羅

往日法王佛

今爲法王子

使人將鳩那羅及其婦至宮中時王見鳩那羅風日曝露以草弊帛雜爲衣裳形容改異不復可識時王心疑而語之言汝是鳩那羅不答言是王悶絕墮地傍人見王而說偈言

主見鳩那羅

有面而無眼

苦惱自燒心

從床墮於地

傍人灑王乃得醒寤還至坐處抱鳩那羅置其膝上復抱其頸啼哭落淚手拂頭面憶其昔容而說偈言

汝端嚴眼今何所在
失眠因緣汝今當說

汝今無眼 如空無月 形容改異 誰之所作

汝昔容貞 猶如仙人 誰無慈悲 壞汝眼目

汝於世間 誰為怨讎 我苦惱根 由之而起

汝身妙色 誰之所壞 懊惱心火 今燒我身

譬如霹靂 摧折樹木 懊惱之雷 以破我心

如此因緣 汝今速說

時鳩那羅以偈答言

王不聞佛言 果報不可脫 乃至辟支佛

亦所不能免 一切諸凡夫 悉由業所造

善惡之業緣 時至必應受 一切諸衆生

自作自受報 我知此緣故 不說壞眼人

此苦我自作 無有他作者 如此眼因緣

不由於人作 一切衆生苦 皆亦復如是

悉由業所生 王當知此事

王復說偈

汝但說其人 我不生瞋心 汝若不說者

我心亂不安

時王知是微妙落起多所作喚微妙落起多

而說偈言

汝今為大惡 云何不陷地 今汝不為法

於我為大過 汝今既為惡 從今捨於汝

由如行善人 捨不如法利

王瞋火燒心見微妙落起多復說偈言

我於今者欲出其眼 欲以鐵鋸以解其身

以斧破身 以刀割舌 以力截頸 以火燒身
令飲毒藥 以除其命

王說如此事欲治微妙落起多事鳩那羅聞
深生慈心復說偈言

微妙落起多 所為諸惡業 大王於今者
不應便殺之 一切諸大力 無過於忍辱

世尊之所說 其最為第一

時王不受見語以微妙落起多置落可屋以
火焚之又復令殺德义尸羅人是時比丘生
疑問大德優波笈多云鳩那羅先造何業今
受此報答言昔波羅奈國有一獵師至雪山
中多殺羣鹿以往雪山遇雷電霹靂有五百

鹿以怖畏故入石窟中獵師捕之一切皆得
若皆殺者肉當臭爛無如之何即挑其兩眼
使其不死而不知去後漸殺之先獵師者鳩
那羅是於無數年常在地獄從地獄出生於
人中五百世內常被挑眼今是最後餘殘果
報比丘又問以何因緣生得大姓眼目端嚴
答言過去久遠人壽四萬歲時佛名迦羅鳩
村大出現於世入無餘涅槃時有一王名輸
頗梁言為佛起四寶塔故時王命過弟不信佛
皆掘取塔下物唯土木在一切人民見塔毀
壞懊惱發聲時長者子問彼諸人何事懊惱
諸人答言世尊之塔本有四寶不謂於今悉

皆毀壞時長者子即以四寶如本莊嚴復令
高廣有勝於初又造金像以置塔中所作已
訖復發願言迦羅鳩村大佛本爲世間師願
我後師亦如今日比丘當知昔長者子即鳩
那羅是以其修治迦羅鳩村大如來塔故得
生大姓以其造作如來像故今所得身端嚴

第一以其發願值善師故今遇釋迦及見四

諦

出阿育王
經第四卷

諸太子問佛幾等有出家者佛出所更皆悉
悟道五

昔佛在波羅柰國鹿野場上爲衆說法時大
國王太子將從小國王卅子五百餘人往到

佛所為佛作禮却坐一面而聽說法諸太子
等即白佛言佛道清妙玄遠難及自古以來
頗有國王太子大臣長者子捨國吏民恩愛
榮樂行作沙門者不佛言世間國土榮樂恩
愛如幻化夢響卒來卒去不可常保又曰國
王太子以三事故不能得道何謂三事一者
憍恣不念學問佛經妙義以濟神本二者貪
取不念布施下分困厄群臣將士所有財寶
不與民共以修財本三者不能遠離婬欲愛
樂之事捨棄牢獄憂煩之惱行作沙門滅衆
苦難以修身本是以菩薩所生為王除此三
事自致得佛又有三事一者少壯學問領理

國土率化民庶使行十善二者以財施貧窮孤寡群臣壯士與民同歡三者每計無常命不久留宜當出家行作沙門斷苦因緣勿更生死三事不施凡死所得世尊曰昔我前世作轉輪聖王名曰南王皇帝七寶導從自念人命短促無常難保但當作福以求道真念常布施世間人民所有財物與民共之已種福德唯當出家行作沙門斷絕貪欲乃得滅苦疏頭髮白拔著案上王涕泣曰第一使者忽然復至宜當出家行作沙門求自然道擎髮掌中自說偈言

今我身首上

白髮生為被

已有天使召

時正宜出家

行作沙門入山修道畢人之壽即生第二天
上為天帝釋太子於後領理天下亦如大王
復見白髮行作沙門經為父子上為天帝下
為聖主中為太子各三十六反數千萬歲終
而復始行此三事自致得佛亦時父者今我
身是也太子者舍利弗是也王孫者阿難是
也更相從生展轉為王以化天下時國王太
子并諸人民皆大歡喜受佛五戒為優婆塞
得須陁洹道

出法句譬喻
經第五卷

最勝王子植德堅固終不可移六

昔卑先匿王有二夫人第一夫太子名瑠璃

第二夫人子名祇

梁言最勝

祇初生之日四方奉

寶一時俱至王曰吾諸子生未曾如此可名

為祇長大學問靡不通王為別立舍宅七

寶所成金銀男女在門左右持寶鉢滿中七

珍晝夜抒去轉滿如故太子嫉妬遣兵往奪

時有天兵五百餘騎衛護祇舍琉璃軍見怖

退走還太子大怒請祇來問曰我夜遣兵慰

勞汝汝伏兵於內欲反耶祇曰不敢不養文

武內無寸仗瑠璃遣檢內外皆無瑠璃意解

具以啓佛佛言祇之植德遇堅固田是故不

可奪也維衛佛時有人詣寺飯僧訖以一奴

一婢給掃寺廟自介之後天上人中受福無

量即最勝是出十卷譬喻

經律異相卷第三十三

輸柯上詩朱反 蔓音万藤 甕二救反 傍同詩

暇音夏閑 榷釘上集月反 外甥音生姊 阿瞿

親下音 衰殄下徒典 摩哂下詩 沛然上音 普碎

及偏 輿上魯果反 笈多上其 親戚曆反 豪傑

下渠 調戲徒平謫 罰上音 摘字下音代 仇恨音上

來字毫 悉離下音 覓瓦盛上一耕及餅之類 蒜

音筭辛 批挑二同土 歌吹下音 廐廐二同音

也 皮膚夫下音 曝露上蒲報 陷地上胡 鎰音

